

# Erna Bosankić, bachelor prava - Završni magistarski rad

Fakultet/Akademija	PRAVNI FAKULTET
Tip Rada	Završni magistarski rad
Kandidat, zvanje	Erna Bosankić, bachelor prava
Naziv Teme	Osnivanje, značaj i opravdanje postojanja i djelovanja međunarodnih krivičnih sudova
Rezime/Abstract	<p>Završni magistarski rad pod temom „Osnivanje, značaj i opravdanje postojanja i djelovanja međunarodnih krivičnih sudova“ sastoji se od 92 stranica A4 formata, od čega se 88 stranica odnosi na glavni tekst, a preostalih 4 stranica na popis korištene literature. Prilikom njegove izrade korišten je prored 1.5, sa standardnim "fontom" i veličinom slova. U toku istraživanja korišteno je 65 bibliografskih jedinica (knjige i priručnici, članci, studije, međunarodni i unutrašnji pravni akti, sudske odluke, te internet izvori), napisane od strane vodećih autoriteta iz oblasti koja je predmet istraživanja. Završni magistarski rad sadrži sve propisane metodološke cjeline: sadržaj, uvod, metodologiju izrade rada, razradu teme, zaključna razmatranja, sažetak, i popis korištene literature. U uvodnim dijelovima rada navedeni su razlozi i motivi koji su kandidatkinju naveli da svoje istraživanje usmjeri u pravcu predložene teme i problematike na koju se tema odnosi. Definirana je i osnovna (temeljna) hipoteza, kao i pomoćne (razrađujuće) hipoteze. U ovom dijelu rada u kratkim crtama je objašnjena korištena metodologija pri izradi rada. Predmetnu tematiku rada čini osnivanje i međunarodno pravni legitimitet kao i opravdanost postojanja i djelovanja međunarodnih krivičnih sudova. Iz postavljenog predmeta istraživanja proizašao je i osnovni cilj istraživanja: "istražiti i prikazati nastanak ideje, osnovnih razloga i konkretnih aktivnosti na osnivanju međunarodnih krivičnih sudova, zatim utvrditi njihov međunarodni značaj od ninerškog procesa do danas, u čemu se sastoji cilj i svrha odnosno u čemu se sastoji opravdanje postojanja i djelovanja međunarodnih krivičnih sudova, posebno stalnog Međunarodnog krivičnog suda. Pored glavnog cilja istraživanja definirani su i slijedeći operativni ciljevi: istorijski prikazati i utvrditi razloge zbog kojih se javila potreba za osnivanjem ad hoc sudova za Ruandu i bivšu Jugoslaviju, kao i vojnih tribunala u Nurnbergu i Tokiju kao i ukazati na njihove slabosti i uticaj koji su dali za osnivanje stalnog Međunarodnog krivičnog suda; ukazati na značaj međunarodnih ugovora i aktivnosti međunarodne zajednice, u prvom redu UN-a, koje su zabilježene u istoriji prije pojave stalnog Međunarodnog krivičnog suda, a koje su za cilj imale borbu protiv strahovitih zločina koji su se javili u svijetu, kao i njihovo efikasno sankcionisanje i istrebljenje; dati prikaz nedostataka i slabosti suđenja u Nurnbergu i Tokiju, te ukazati na činjenicu dovođenja u pitanje načela objektivnosti u suđenjima pred ovim sudovima zbog samog sastava suda; ukazati na glavne probleme sa kojima se u svom radu suočio Međunarodni krivični sud za bivšu Jugoslaviju, kao i ukazati na to kako su ti problemi uticali na rad suda te koliki je uticaj imalo javno mnijenje u procesuiranju ratnih zločina; dati sažet prikaz međunarodnih razloga za osnivanje stalnog Međunarodnog krivičnog suda, temeljne crte nastanka ideje o osnivanju suda ovakve vrste, prerastanje te ideje u djelo te sami čin osnivanja suda; utvrditi slabosti Rimskog statuta kao i potreškoće sa kojima se sureće Međunarodni krivični sud, a koje su najveća prepreka u besprijekornom izvršavanju osnovnog cilja postojanja a to su procesuiranje i kažnjavanje počinitelja krivičnih djela za koje je nadležan ovaj krivični sud; analizirati i dati kritički osvrt na pitanje saradnje nacionalnih zakonodavstava pojedinih država članica sa Međunarodnim krivičnim sudom i ukazati na probleme koji se javljaju kod implementacije odredaba Rimskog statuta u nacionalna zakonodavstva; ispitati i prikazati kakav doprinos u našem domaćem krivičnom zakonodavstvu imaju Međunarodni krivični sud za bivšu Jugoslaviju i stalni Međunarodni krivični sud, te posebno ukazati na prednosti i slabosti u vezi sa preuzimanjem obaveza iz rimskog statuta; na osnovu dosadašnjih iskustava i rezultata u praksi koji su ostvareni od trenutka postojanja i djelovanja Međunarodnog krivičnog suda, iznijeti i opredijeliti zaključke i prijedloge de lege ferenda. U uvodnom dijelu rada prikazan je nastanak i razvoj međunarodnih krivičnih sudova sa posebnim osvrtom na svaki pojedinačni sud, počev od vojnih tribunala u Nurnbergu i Tokiju pa sve do mješovitih krivičnih sudova. Treće poglavlje odnosi se na značaj i opravdanje stalnog Međunarodnog krivičnog suda i obuhvata sve temeljne crte ovog suda, od njegovog osnivanja preko organizacije i nadležnosti suda, sa posebnim naglaskom na Rimski statut. Četvrto poglavlje odnosi se na dio rada u kojem se govori o saradnji nacionalnih sudova sa međunarodnim krivičnim sudom. U ovom djelu osim saradnje suda sa pojedinim državama i međunarodnim organizacijama, obrađana je implementacija Rimskog statuta u nacionalna zakonodavstva kao i Zakon o primjeni Rimskog statuta i saradnji sa Bosnom i Hercegovinom. Peto poglavlje obrađuje osvrt na dosadašnji rad stalnog Međunarodnog suda. Završni dio predstavlja zaključke i prijedloge de lege ferenda nastale kao plod kompletnog istraživanja i analize postavljenog problema, konstatirajući da je osnovna (generalna) hipoteza ovog magistarskog rada, zajedno sa razrađujućim (pomoćnim) hipotezama, potvrđena.</p>
Datum	02.04.2015
Predsjednik	Dr sc. Vedad Gurda, docent - Uža naučna oblast „Krivično - pravna“ Pravni fakultet Univerziteta u Tuzli
Mentor	Dr sc. Tadija Bubalo, vanredni profesor - Uža naučna oblast „Krivično - pravna“ Pravni fakultet Univerziteta u Tuzli
Član komisije	Dr sc. Dževad Mahmutović, docent - Uža naučna oblast „Krivično - pravna“ Pravni fakultet Univerziteta u Tuzli
Član komisije	-
Član komisije	-
Zamjenski član	-
Dodatni detalji i lokacija	Dana, 02. 04. 2015. godine u 15,00 sati na Pravnom fakultetu Univerziteta u Tuzli
Završne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.